



COMUNE DE MONTELEONE

Provìntzia de Tàtari

Deliberatzione de sa Giunta Comunale

N° 8 de su 13.01.2021

OGETU: Art.3 comma 55 de sa L. n. 244/2007: aprovatzione programma pro s'afidamentu de sos incàrrigos de collaboratzione pro su 2021

S'annu duamìgia bintiunu, sa die tràighi de su mese de Ghennàrgiu, in Monteleone, in sa sala de sas Adunàntzias, a sas **16:45**, s'est reunida sa Giunta Comunale.

Fatu s'apellu resurtant:

MASALA ANTONELLO	SÌNDIGU	P
SOTGIA DANIELA	ASSESSORA	A
GONNELLA SILVIA	ASSESSORA	P
MANAI GIOVANNI BATTISTA	ASSESSORE	P

Presentes n. 3 totale ausentes n. 1

Partètzpat a sa setziada su SEGRETÀRIU COMUNALE Silvia Sonnu, cun funtziones consultivas, referentes, de assistèntzia e verbalizatzione.

SU SÌNDIGU ANTONELLO MASALA, in sa calidade sua de presidente, averiguadu su nùmeru legale de sos interbènnidos, de crarat aberta sa setziada e invitat sos cumbènnidos a deliberare subra de s'ogetu subra indicadu.

SA GIUNTA COMUNALE

IN ABERTURA de setziada si dat atu chi sa matessi benit acumprida a manera partziale in vèdeucunferèntzia, cun sa presèntzia in sede de su segretàriu comunale, Dot.ra Silvia Sonnu, e de su Sìndigu, e cullegados in modalidade vèdeucunferèntzia in cantu no ant sa possibilidade de interbènnere, sos señores Gonnella Silvia e Manai Giovanni Battista (Assessores), comente istabilidu in cunforma a su decretu de su Sìndigu n. 4 de su 05.11.2020.

Premìtidu chi sa lege 24 de nadale de su 2007, n. 244 (lege finanziària de su 2008) pro esigèntzias de cuntenimentu de s'ispeza pùblica e de ratzionalizatzione de sas esigèntzias de ricursu a sos incàrrigos esternos de collaboratzione e de sas modalidades de afidamentu relativas;

- a s'artìculu 3, comma 55, at dispostu chi *“s'afidamentu dae parte de entes locales de incàrrigos de istùdiu o de chirca, ossiat de consulèntzia, a suetos angenos a s'amministratzione, podet avènnere ebbia in s'àmbitu de unu programma aprovadu dae su consìgiu in cunforma a s'art. 42, comma 2, lìtera b), de su testu ùnicu segundu su decretu legislativu 18 de austu de su 2000, n. 267”*;
- a s'artìculu 3, comma 56, at afidadu a su regulamentu de organizatzione de s'ente s'individuatzione de limites, crìterios e modalidades pro s'afidamentu de incàrrigos de collaboratzione, de istùdiu o de chirca, ossiat de consulèntzias, a suetos angenos a s'amministratzione e puru de su limite de ispeza relativu;

Bidu su decretu lege 25 de làmpadas de su 2008, n. 112, chi cuntenit *«Disposizioni urgentes pro s'isvilupu econòmicu, sa semplificatzione, sa cumpetitividade, s'istabilizatzione de sa finàntzia pùblica e sa perecuatzione tributària»*, mudadu cun modificatziones dae sa lege 6 de austu de su 2008, n. 113, su cale:

- in s'artìculu 46, comma 2, pro mèdiu de sa sostituzzione integrale de s'artìculu 3, comma 55, de sa lege 24/12/2007, n. 244, at prevididu chi s'afidamentu de sos incàrrigos de collaboratzione dae parte de sos entes locales potzat avènnere ebbia pro atividades istituzionales istabilidas dae sa lege o prevididas in su programma aprovadu dae su consìgiu comunale;
- in s'artìculu 46, comma 3, pro mèdiu de sa sostituzzione integrale de s'artìculu 3, comma 56, de sa lege 24/12/2007, n. 244, at afidadu a su bilàntziu de previsione de s'ente sa fissatzione de su limite de ispeza pro s'afidamentu de sos incàrrigos de collaboratzione, lassende a su regulamentu subra de s'ordinamentu generale de sos ufizios e de sos servìtzios s'individuatzione de sos crìterios e de sas modalidades pro s'afidamentu de sos incàrrigos;

Atesu chi sa disciplina noa de s'afidamentu de sos incàrrigos de collaboratzione dae parte de sos entes locales cuntènnida in su decretu lege n. 112/2008 at afortiadu su ruolu de sa programmatzione de su consìgiu, perlonghende s'àmbitu de su programma a totu sas tipologias de incàrrigos e non prus ebbia a sos incàrrigos de istùdiu, chirca e consulèntzia;

Cunsideradu chi su programma pro s'afidamentu de sos incàrrigos devet dare a manera prioritària contu de sos obietivos de s'ente pro mèdiu de su ricursu a collaboratziones esternas, bastat chi siant coerentes a manera istrinta, netzessàrios e pertinentes cun sos atos de programmatzione chi costituint su sistema de bilàntziu;

Dadu atu chi a s'istadu attuale non si aprètziat netzessàriu providire afidamentos de incàrrigos de collaboratzione relativos a s'annu 2021, a etzetzione de cussos mancaris non prevididos in su programma de su consìgiu, sunt cunsentidos pro atividades istituzionales istabilidas dae sa lege, intendende si comente tales cussos connessos a prestatziones professionali pro sa resa de servìtzios o acumprimentos obligatòrios pro lege ossiat pro su patrotzìniu o sa rapresentàntzia in giudìtziu de s'ente, si in casu mai non bi siant istruturas o ufìtzios incarrigados de custu;

Bidu s'art. 151, comma 1, de su testu ùnicu de sas leges subra de s'ordinamentu de sos entes locales, aprovalu cun decretu legislativu 18 de austu de su 2000, n. 267, su cale istabilit a su 31 de nadale su tèrmine pro sa deliberatzione de su bilàntziu de previsionu pro s'annu imbeniente dae parte de sos entes locales e disponet chi su tèrmine podet èssere diferidu cun decretu de su Ministru de s'internu, de intesa cun su Ministru de s'economia e de sas finàntzias, intesa sa Cunferèntzia Istadu-tzitades e autonomias locales, in presèntzia de esigèntzias motivadas;

Bidu su D.Lgs. n. 267/2000 ;

Bidu su D.Lgs. n. 165/2001 e mm.ii.ii. ;

Bidu s'Istatutu comunale;

Apretziadu de providire in mèritu;

Achisidos sos parres favorèvoles daods in cunforma a s'art. 49 de su d.lgs. n. 267/2000;

Cun votatzione de acordu;

DELÌBERAT

De istabilire chi cun riferimentu a su programma pro s'afidmentu de sos incàrrigos de collaboratzione pro s'annu 2021, in cunforma a s'artìculu 3, comma 55, de sa lege 24 de nadale de su 2007, n. 244, comente mudadu dae s'artìculu 46, comma 2, de su decretu lege 25 de làmpadas de su 2008, n. 112, mudadu cun modificatziones dae sa lege 6 de austu de su 2008, n. 133, non sunt prevididos incàrrigos de collaboratzione pro totu su 2021;

de dare atu chi ant a pòdere semper e cando èssere afidados incàrrigos non prevididos in su programma presente, si in casu mai esserent netzessàrios pro s'achisizione de servìtzios o acumprimentos obligatòrios pro lege ossiàt pro su patrotzìniu o sa rapresentàntzia in giudìtziu de s'ente, fatu chi siat atzertamentu de s'ausèntzia de istruturas o ufìtzios incarrigados pro custu;

de dare atu, in prus, chi sunt esclusos dae su programma presente sos incàrrigos connessos a sa realizatzione de sas òperas pùblicas (progetatzione, diretzione traballos, collàudu, etz.);

de trasmitere s'atu programmatòriu presente a sos responsàbiles de sos servìtzios pro sos provedimentos cunsighentes.

IN ÒRDINE A SA REGULARIDADE TÈCNICA si esprimìt parre Favorèvole

Su Responsàbile

F.du Antonello Masala

SU PRESIDENTE

F.du Antonello Masala

SU SEGRETÀRIU COMUNALE

F.du Silvia Sonnu

Tzertìfìco chi còpia cunforme de su verbale presente benit publicada dae su _____ pro 15 dies a fila in su situ istituzionale de custu Comune cun progressivu de publicatzione n. , atzessibile a su pùblicu (Art. 124 de su T.U.E.EL. e art. 32, comma 1, de sa lege 18 de làmpadas de su 2009, n. 69).

SU

F.du

Sa deliberatzione presente est divènnida esecutiva:

Pro declaratzione de esecutabilidade immediata (Art. 134, comma 4, de su T.U.E.L.).

Pro decursu de sas deghe dies dae sa publicatzione (Art. 134, comma 3, de su T.U.E.L.).

Monteleone,

Su Responsàbile de sa Publicatzione

F.du

Tradutzione de s'operadora de s'isportellu linguisticu de Monteleone

Maria Leonarda Correddu